

ЗАГА

Республикалық құқықтық, ғылыми-
практикалық журнал

7 / 2000

ӘЛШЕМ БІРЛІГІН
ҚАМТАМАСЫЗ
ЕТУ ТУРАЛЫ

КАЗАҚСТАН РЕСПУБЛИКАСЫНЫҢ ЗАГА

БҮҚАРАЛЫҚ АҚПАРАТ ҚҰРАЛДАРЫ ТУРАЛЫ

ПАРЛАМЕНТ МӘЖІЛІСІНІҢ ДЕПУТАТЫ
ӘБДІЖӘМИЛ БӘКІРДІҢ
ЗАГА ТУСІНІКТЕМЕСІ

ҚЫЛМЫС ЖӘНЕ СЫБАЙЛАС
ЖЕМҚОРЛЫҚЦА ҚАРСЫ КҮРЕС
ЖҮЙЕСІН ЖЕТИЛДІРУ ТУРАЛЫ

КР ПРЕСИДЕНТІ ӘКІМШІЛІГІ
ЖЕТЕКШІСІНІҢ ОРЫНБАСАРЫ
КAIРАТ МӘМІМІН СУХБАТ



Әбдіжәлел БӘКІР,
КР Парламенті Мәжілісінің
депутаты

АҚПАРАТ ТАЗАЛЫҒЫ – РУХАНИЯТ ТАЗАЛЫҒЫ

"Бүқаралық ақпарат құралдары туралы" жаңа заң қабылданғалы да жыldan astam уақыт болды. Бұған дейін қолданыста болып келген "Баспасөз және басқа да ақпарат құралдары туралы" заң еліміздегі сөз бостандығын жариялай отырып, оны қамтамасыз еткенмен соңғы жылдардағы қоғамдық өмірдегі елеулі өзгерістерге сай келмеди. Екі рет то-лықтырулар енгізілгенмен Заң жаңа уақыттың бірқатар нормалары мен ақыраттын ескере алмады. Бүқаралық ақпаратты іздестіру, пайдалану, иелік həm, билік ету және сақтау процестерін толық көлемде қамтываемды. Меншік иесі, бүқаралық ақпарат құралын есепке қою, есепке алу және т.б. нормалар заң жүзінде бекітілмеди. Сондай-ақ, заңның негізгі бөлігі бүқаралық ақпарат құралдарының қызметін ұйымдастыру мәселелеріне арналған еди.

Көлемі жағынан біршама қысқартылған жаңа заң АҚШ, Германия,

Франция, Швеция және бірқатар ТМД елдерінің заңдарына тән нормаларды қамтыды. Адамның ақпаратқа құқығы, одан туындайтын міндеттермен қатар бүқаралық ақпарат құралдарының мәртебесі, оларды есепке алу мен тарату, редактордың жеке басына қойылатын талаптар сияқты мәселелер Заңда орын тапты. Сондай-ақ, бүқаралық ақпарат құралдарының басқа факторларға қарағанда азаматтардың, әсіресе, жас үрпақтың санасы мен мінез-құлқына көбірек әсер ететіндігі, сондай-ақ олардың мүмкіндіктері мен сөз бостандығын теріс пайдаланудың қауіптілігі ескеріліп, бүқаралық ақпарат құралдары туралы заңды бұзғаны үшін жауапкершілік нормалары неғұрлым толық пайдаланылды. Сөйтіп, Заң халықаралық стандарттарға мейлінше сәйкестендірілді.

Мен бүгін, осы Заңның Мәжілістегі талқылану барысына тоқталып атальыш заңның қабылдану

үрдісіне тоқталмақпын.

"Бұқаралық ақпарат құралдары туралы" заң жобасын Мәжіліс отырысында талқылауға өзірлік барысында арнайы құрылған жұмыс тобының бірнеше отырысы өткізді. Оған Мәжілістің барлық комитеттерінен депутаттар, заң жобасын өзірлеушілер, белгілі журналист мамандар, баспасөз өкілдері қатысты. Жұмыс тобының мүшелері бұқаралық ақпарат құралдары туралы қолда бар, таяу және алыс шет елдерде қолданылып жүрген барлық заң актілерін, басқа да материалдарды зерделеді. Астанадағы бірсыптыра күнделікті басылымдар мен телерадио хабарларының басшыларын арнайы шақырып кездесулер өткізді.

Жұмыс тобы заң бойынша Қазақстан Республикасы Парламенті Мәжілісінің комитеттерінен, жекелеген депутаттардан, аппараттың заң бөлімінен, Қазақстанның Журналисттер одағынан, шығармашылық интеллигенция өкілдерінен ұсыныстар жинап, мүмкіндігінше барлық тілекпікірлерді ескеруға тырысты.

Заң жобасын талқылау барысында өсірепе бұқаралық ақпарат құралдарының тілі, меншік иесі, эротикалық сипаттағы радио, телебағдарламалардың эфирге шығарылуы, журналистің құқықтары мен міндеттері, деген сияқты мәселелерге ерекше көніл бөлінді.

Заң жобасының Парламентке ұсынылмай тұрып баспасөз бетінде жарияланып, бүкілхалықтық талқылауға түсkenі мәлім. Бұл да заң жобасын пісіре түсуге айрықша әсер етті. Халықпен, мамандармен ашық ақыл-

дасып алу қай уақытта да заң шығарышылық тәжірибеде таптырмайтын тәсіл. Мамандар, журналистер, тағы басқа заң жобасына қатысы бар деген кісілер өз ұсыныстарын беріп жатты. Әңгіменің қындау түйіні бұқаралық ақпарат құралдарының тілі жөнінде болды. Бұрын қабылданған "Тіл туралы" заңдағы электронды бұқаралық ақпарат құралының тіліне қатысты норманың осы Заннан орын тапқанына қарсылықтар айтылды. Өсірепе, орыс тілді газеттерде (оның ішінде мемлекеттен қаржыландырылыш отырылған "Казахстанская правда" газетінің болғаны өкінішті-ақ) көпе-көрнеу бүрмаланған пікірлер айтылды. Ондай пікір иелерінің арасында Қазақстанда туып, ержетіп, өсірөнген, сол кезде Мәжіліс депутаты Ю.Сытов та болды. Оның: "На мой взгляд, даже 15 процентов эфира на государственном языке, но эфира яркого, талантливого, сделают больше для поднятия престижа казахского языка, нежели слепое следование принципу "50 на 50", — деп "көсемсігені" намысымызға тигенін жасыра алмаймыз. Сол себептен де мен "Ана тілі" газетінде "Біле тұра бұра тартып отыр" деген тақырыппен өз ойымды ашық білдірдім. Дәл, осы мәселе кейін заң жобасы жөнінде құрылған жұмыс тобының отырысында тағы да біраз пікірталасын туғызды. Укімет заң жобасын Парламентке ұсынған кезде ондағы тілге байланысты бапты "жұртты тағы дүрліктіріп жүрерміз" деген қоян жүректікпен алып тастаған-ды. Жұмыс тобындағы депутаттардың басым көшілігі, мысалы, А. Бекбо-

сын, Н. Калиев, Р. Шер, В. Я. Землянов, т. б. тіл туралы бапты қалпына келтіруді ұсынды. Менің белгілі әріптесім Ю. Сытов енді тікелей қарсы шығудан жалтарып, "Бұқаралық ақпарат құралының тіл туралы мәселе негізгі заңда ("Тіл туралы") шешілген, оны тағы да бұған көшіріп жазудың қажеті жоқ" деген байдалам салды. Мен: "бұқаралық ақпарат құралының негізгі құралы — тіл, тілсіз газет-журнал шығарып, радионы тыңдал, теледидарды көре ғой", — деген тағы да тіл туралы арнайы баптың қажет екендігін жан-жақты дәлелдедім. Мұны әріптесім Ф. Онғарсынова қолдап, әрі қарай пысықтап, нақтылап сөз сөйлемді. Сонымен бұқаралық ақпарат құралының тіл туралы бұрынғы бап өндөліп, заң жобасына қайта қосылды.

Бұқаралық ақпарат құралының, әсіреке оның электронды түрінің тіліне байланысты бапқа қарсы шыққандарды түсіну қын емес. Бұл норма қажетті тілдік органды жасау және мемлекеттік тілдің толықтанды пайдалануы үшін арнайы қосылаған-ды. Өйткені, осы бір тілдің қолданыс көрігін қыздыра түсетін "шоқ" кейінгі кезде тиісті органдар тарарапынан бақылаудың жетімсіздігінен сөнуге бет алып, бықси бастап еді. Сол себептен мемлекеттік тілдің кейбір "жана-шырлары" осы "шоқтың" бықсып қана қоймай, сөніп қалғанын қалаған болатын.

Әуелі жұмыс тобының отырыстарында, кейін Мәжілісте көбірек әнгіме болған және бір мәселе — заң жобасындағы 12-баптың 2-тармағының "Эротикалық сипаттағы радио-

телебағдарламалардың эфирге шығарылуына, соңдай-ақ кинохроникалық бағдарламалардың көрсетіліуіне жергілікті уақыт бойынша 01 сағаттан 06 сағатқа дейін ғана жол беріледі" деген 2-тармақшасы болды. Жұмыс тобының бірінші отырыснан бастан-ақ бұл мәселеге мұлдем тыйым салуды ұсындым. Оны жан-жақты түсіндіруге тырыстым. Осы кездерде "Қазақ әдебиеті" газетіне "70 адам хат жазды, артында қанша қазақ бар?" деген сұхбатта бердім. Мен алматылық зиялы қауымның белгілі ашық хатына жүгіне отырып, Ата Заңымыздың 34-бабының бірінші тармағында: "Әркім Қазақстан Республикасының Конституциясын және заңдарын сақтауға, басқа адамдардың құқықтарын, бостандықтарын, абырои мен ар-намысын құрметтеуге міндетті" деген қағида барлығын еске салдым. Ендеше, эротикалық сипаттағы бағдарламалар мен жарнамаларды эфирге шығарғысы келетін жеке, не бір топ адам көпшіліктің құқығын, абырои мен ар-намысын неге аяқта басуы керек?! Ал, егер ондайлар эротикалық материалдарды көрмесе тұра алмайтын болса, арнайы кассеталарды сатып алып, өз үйінде көре берсін деген пікір айттық.

Шынында да, порнографиямен астасып жатқан эротикалық сипаттағы материалды эфирге, баспасөз бетіне шығарыш отыргандар қоғамдық моральды, қоғам мүшелерінің кісілік келбетін қорлап отырганын байқамайды. Неге олар жергілікті қазақ халқының сан ғасырлық салтдәстүрін, менталитетін аяқасты етуі

керек?!

Сонан соң бізде әлі порнография мен эротиканы шатастыру басым. Эрі шетелдердегідей эротикалық хабарларды көрсететін ақылы арнаіы арналар болмай тұрғанда, бұл мәселеғе бізде тыйым салынудың қажеттігін дәлелдеудің керегі шамалы еді. Мұны заңдастыру келешекте аса қасіретті жайттарға ұрындыруы мүмкін. Бұл жерде әлі қоғамымызда идеялық тәрбие жұмысының институттары толық қалыптаспай тұрғанда, идеялық қайшылықты дүниені насиҳаттаудың аса қауіпті екенін де ескерген жөн.

Сонымен Мәжіліс отырысында 12-баптың 2-тармағының 2-бөлігі: "Порнографиялық және арнаулы сексуальдық-эротикалық сипаттағы радио-теледидар бағдарламаларының эфирге шығарылуына, сондай-ақ кино және бейне өнімінің көрсетілуіне, қатыгездік пен зорлықты насиҳаттауға тыйым салынады" деген редакцияда мақұлданды. Сондай-ақ, журналистердің құқықтары мен міндеттері де қайта қаралып, өз алдына жеке-жеке баптар болды.

Сөйтіп, төртінші билік иелері қоғамымыздың жаңа жағдайға лайықты, бүгінгі нарық заманындағы талаптарға жеткілікті жауап беретін заңға ие болды.

Енді, осы Заннның орындалу барысына тоқтап, бірер пікірімізді айта кетсек. Эрине, бір жыл күрделі зан үшін белгілі кесім айтуға жеткілікті бола қоймас, дегенмен бағыт-бағдарды анғаруға болады.

Бүгінгі ақпарат құралдарының қоғамдағы айрықша орны туралы аз

айтылып, кем жазылып жүрген жоқ. Әсіресе, тәуелсіз электронды бұқаралық ақпарат құралдарының еліміздегі мәдени-рухани ахуалға, жас үрпақ тәрбиесіне тигізіп отырған жағымсыз әсері ашына жазылуда. Мұндай ақпарат құралының мазмұнын тура мағынасында мақсатты зиянкестік деп бағалап жүргендер де жоқ емес. «Біз ауылды жерде тұрғандықтан, теледидардан тек екі («Ақшам», «Хабар») арнаны ғана көре аламыз. Бұл екі арнаны да мемлекет қаржыландыратын көрінеді. Сөйтсе де, телебағдарлама жасаушылар ешқандай жауапкершілікті сезінбейтін секілді», — деп жазды бір топ соғыс және еңбек ардагерлері Қызылорда облысы Сырдария ауданы «Айдарлы» ауылынан. Одан кейін хат иелері әлгі екі арнадағы шетелдік фильмдерді түгел санамалап шығып, олардың жастарға үлгі-өнеге көрсете алмай отырғанын ашына айтады.

Соңғы жылдары мұндай хаттар Мәжіліске аз түсken жоқ. Рухымыз уланып жатыр деп ұлтжанды «Ана тілі» газеті осы іспеттес мәселелерді кеңінен жазды. «Қазақ әдебиеті» газетінің де ортақ мұддеге қатынасы кем көрінген жоқ.

Биылғы сөуір айында Түркияның Антalia қаласынан 40 километрдей қашықтықта теңіз жағасында орналасқан Кемер деген курортты жерде өткен ЕҚЫҰ Парламентарлық ассамблеясының екі күндік семинарына қатысқан едім. Кол боста теледидар көремін. 32 телеарна жұмыс істейді екен. Түсіне қоймасам да, сол арналардағы хабарларға назар

аудардым. Біздегідей автомат асынып, жұртты қырып салып жатқан немесе адам өлтірудін небір айлаттәсілін үйрететін, ертеден кешкеп дейін зорлық-зомбылыққа, ер адамдар мен әйелдердің жеңіл қарымқатынастарына құрылған кинофильмдерді көре алмадым.

Тағы бір маңызды мәселеге тоқтай кетсек. Осыдан 9 жыл бұрын қазақ тіліне мемлекеттік мәртебе берілгені белгілі. 1995 жылғы бүкілхалықтық референдумдарда дауыс берілген Ата заңымызда, 1997 жылғы шілдеде қабылданған «Қазақстан Республикасындағы тіл туралы» заңда бұл норма тұғырлана түсін-ді. Дегенмен, тіл туралы заңын 18-бабының 2-бөлігі мен «Бұқаралық ақпарат құралы туралы» заңын 3-бабы бүтінгі таңда қанағаттанарлық дәрежеде орындалып отырған жоқ. «Телерадио хабарларын тарату арналарының меншік нысанына қарамастан, олар арқылы мемлекеттік тілдегі берілімдердің көлемі уақыт жағынан басқа тілдердегі берілімдердің жиынтық көлемінен кем болмауға тиіс» деген жайт тайға таңба басқандай айтылса да, республикадағы телерадио арналарының 20 пайыздайығана заң талабын орындауда. Бұл мәселеде республикада жетекші телевидениен болып қалыптасқан «Хабар» агенттігінің үлгі болғанын қалар едік. Жаңадан ашылған «Хабар-2» телевидениен бүкіл облыстар көретін етіп, оның мазмұндық және техникалық сапасын жетілдіре түсү қажетті. Заңды орындау тәуелсіз телерадио арналарына да тікелей қатысты

екенін ескерсек. Өкінішке орай, олардың кейбіреулері Қазақстанда жұмыс істеп жатқанын, тіл туралы заңдылықтардың бар екенін біле бермейтін сияқты. Бір мысал келтіре кетейік, Қарағанды облысындағы біздер есепке алған 10 телерадио арналары тәулігіне 179 сағаттық хабар береді екен, оның 14 сағаты ғана өзіндік хабарлар да, қалғаны көшірме дүниелер. Ал, қазақ тіліндегі хабарлары 5,45 минут қана. Орыс тіліндегі ақпарат тасқынының осындағы басымшылық жағдайында қазақ тілінің үні шыға қоюы мүмкін бе?! Әсте, ұлттық ақпарат кеңістігінің болашағын ойлаған билік басындағы ұлтжанды азаматтардың бұл мәселені теренінен ойластырганы жөн шығар. Бәлкім, меншік нысанына қарамай телерадио арналарынан берілетін ретрансляциялық хабарлардың көлемін заңдық реттеу қажет шығар. Бұл шара телерадио журналистерін өз бетімен ізденушлікке итермелеп, олардың тезірек көсіби қалыптасуына, шеберліктерін шындаі түсініне игі әсер еткен болар еді.

Корыта айтқанда, «Бұқаралық ақпарат құралдары туралы» заң бүтінгі күннің талабына жауап бере алатын құжат. «Шеберліктің шегі жоқ» дейді қазағым. Өмір, уақыт өз сөзін айта жатар. Ендігі міндет – осы Заңның жүзеге асуы үшін тиісті органдардың қажетті шаралары батыл қолданып, қамқорлық жасай білуінде. Өйткені, заң әр уақытта орындалуымен құнды.